

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO
ZENIČKO-DOBOJSKOG KANTONA

Broj: T04 0 KT 0064213 25
Zenica, 16.10.2025. godine

OPŠTINSKI SUD ZENICA
-Sudija za prethodno saslušanje-

Na osnovu člana 45. stav 2. tačke i), člana 241. stav 1. ZKP-a F BiH, p o d i ž e m

OPTUŽNICU

Protiv:

B. H., ... neosuđivan,

Što je:

Dana 21.05.2025. godine, oko 23:15 sati, u Zenici, na raskrsnici ulica ..., upotrijebio silu u namjeri da spriječi službene osobe koje obavljaju poslove javne sigurnosti u vršenju službene radnje koju su poduzeli u okviru svojih ovlasti, na način da je nakon što je zaustavljen od strane policijskih službenika D. M. i P. J. radi kontrole u saobraćaju, tokom kontrole suprotno naredbama policijskih službenika otišao i sjeo u svoje vozilo, a nakon toga odbijao da izađe iz vozila nakon naređenja policijskih službenika, a kako bi se popunio i uručio prekršajni nalog, da bi potom policijski službenik D. M. zbog nepoštivanja izdatih naredbi pristupili službenoj radnji lišenja slobode, nakon čega B. H. pokušava spriječiti policijskog službenika u preduzimanju navedenih radnji na način da je desnom rukom uhvatio policijskog službenika za kragu od košulje i kravatu, nakon čega se službenoj radnji pridružuje policijski službenik P. J., da bi potom B. H. trzajem glave zadao udarac P. J. u predjelu glave ispod desnog oka, uslijed čega je J. zadobio lake tjelesne povrede nagnječenje u predjelu oko desnog oka, nakon čega B. H. nastavlja pružati aktivan otpor, uslijed čega D. M., P. J. i B. H. padaju na tlo, uslijed čega D. M. zadobiva lake tjelesne povrede u vidu nagnječenja nadlaktice i oguljotine kože za obje šake i P. J. zadobiva lake tjelesne povrede u vidu nagnječenja šake i nadlaktice desno, sve vrijeme svjestan da na taj način sprečava policijske službenike u vršenju službene radnje i da može lako tjelesno ozlijediti službenu osobu, a što je i htio,

Dakle, silom pokušao spriječiti službenu osobu pri obavljanju poslova javne sigurnosti u vršenju službene radnje koju je poduzela u okviru svojih ovlasti, gdje je službena osoba lako tjelesno ozljeđena,

Čime je počinio krivično djelo sprečavanje službene osobe u vršenju službene radnje iz člana 358. stav 3. u vezi sa stavom 1. KZ F BiH, a u vezi sa članom 28. KZ F BiH.